

Zaihasrim b. Mohd Dawal

From: Unit Komunikasi Korporat
Sent: Saturday, July 15, 2017 7:43 PM
To: UUM - All Staff; UUM - All Students; Staf - Pesara UUM
Subject: Academia Café & Bistro UUM KL Lancar Menu Baharu



Unit Komunikasi Korporat
CORPORATE COMMUNICATION UNIT

Universiti Utara Malaysia

15 JULAI 2017 / 21 SYAWAL 1438H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Mohd Amir Aizat Sainon

Gambar oleh: Muhammad Shamsul Shafie & Muhammad Hasif Ismail

ACADEMIA CAFÉ & BISTRO UUM KL LANCAR MENU BAHARU



UUM ONLINE: Kuala Lumpur, 15 Julai - Academia Cafe & Bistro Universiti Utara Malaysia (UUM) kampus Kuala Lumpur melancarkan beberapa menu baharu di cafe tersebut hari ini.

Pelancaran menu baharu itu disempurnakan Naib Canselor, Prof Dato' Seri Dr Mohamed Mustafa Ishak sempena Jamuan Aidilfitri Academia Cafe & Bistro UUM KL di sini.

Naib Canselor dalam ucapannya berkata menu-menu baharu yang dilancarkan itu adalah pada harga yang sangat istimewa dan berpatutan.

"Harga untuk kebanyakan menu yang ditawarkan di bawah RM10 adalah sangat luar biasa, lebih-lebih lagi untuk kadar harga makanan di sekitar Kuala Lumpur.

"Cafe ini bukan sahaja menawarkan menu yang pelbagai malah ia juga sangat kondusif dan menjadi tarikan masyarakat sekeliling termasuk dari Hospital Kuala Lumpur, UTM KL, UniKL dan lain-lain,"ujarnya.

Antara menu-menu baharu yang terdapat di Academia Cafe & Bistro UUM KL adalah Kambing Panggang Raja Alang, Udang Petai Academia, Nasi Goreng Academia dan Nasi Ayam Roasted.

Sementara itu Pengarah UUM KL, Dr Ahmad Rizal Mazlan berkata UUM KL yang beroperasi sejak 2006 akan diwartakan sebagai kampus cawangan tidak lama lagi dan bakal menawarkan program pengajian secara sepenuh masa yang membolehkan UUM KL turut serta dengan lebih signifikan dalam memacu agenda UUM untuk menjadi Universiti Pengurusan Terkemuka.

Majlis itu turut diserikan dengan persembahan daripada penggiat seni yang merupakan pelajar program Ijazah Sarjana Muda Pengurusan Kreatif (BCIM) yang ditawarkan di Pusat Pengajian Pengurusan Industri Kreatif dan Seni Persembahan (SCIMPA) antaranya Akma AF3, Farhan AF4 dan Amir AF 2016.

Hadir sama Ahli Lembaga Pengarah Uniutama Management Holdings Sdn. Bhd. (UMHSB), Y.Bhg. Dato' Megat Fairouz Junaidi Tan Sri Megat Junid; Pengerusi Jawatankuasa Penaja Academia Lounge UUM, Prof. Dr. Abd Razak Yaakub; Dekan SCIMPA, Dr. Ahmad Hisham Zainal Abidin; Pengarah Pusat Prestasi Meriah Sdn Bhd yang juga alumni UUM, Dato Sharifah Nasreen Syed Abdul Rahman; Pengurus Besar Coway Malaysia Sdn Bhd, Mohd Najib Abdul Hadi dan pegawai-pegawai UUM serta staf SCIMPA.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
☎ 04-928 3053
✉ ukkuum@uum.edu.my
f Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara

Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.